



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- _____ /15
Datum: _____ 2015. godine

- P R I J E D L O G -

Na osnovu člana 60. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12) i člana 14. stav 29. Statuta Općine Tešanj ("Službeni glasnik općine Tešanj" broj 11/07), Općinsko vijeće Tešanj na svojoj __ . sjednici održanoj dana _____ 2015. godine, d o n o s i

**ODLUKU
o utvrđivanju platnih razreda i koeficijenata Općine Tešanj i Općinskog
pravobranilaštva**

Član 1.

Ovom Odlukom uređuju se platni razredi, koeficijenti i naknade Općinskog načelnika, savjetnika, državnih službenika i namještenika u službama za upravu Općine Tešanj i Općinskom pravobranilaštvu.

Član 2.

1. Platni razredi nosioca izvršnih funkcija, pravobranioca i savjetnika:

Platni razred	Radno mjesto	Koeficijent
I	Općinski načelnik	9,2
II	Općinski pravobranioac	5,3
III	Zamjenik općinskog pravobranioca	4,7
IV	Savjetnik općinskog načelnika	4,7

Član 3.

2. Državni službenici

Državni službenici u općinskim službama iz člana 1. ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	Pomoćnik općinskog načelnika	5,2
II	Šef odjeljenja	4,5
III	Općinski inspektori	4,3
IV	Stručni savjetnik	4,1

V	Viši stručni saradnik	3,9
VI	Stručni saradnik	3,7

Član 4.

3. Namještenici

Namještenici u Općinskim službama iz člana 1. ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	Šef unutrašnje organizacione jedinice (VŠS)	3,2
II	Viši samostalni referent (VŠS)	3,1
III	Samostalni referent (VŠS)	3
IV	Šef unutrašnje organizacione jedinice (SSS)	2,8
V	Viši referent (SSS) i VKV radnik	2,7
VI	Referent (SSS) i KV radnik III i IV stepena	2,6
VII	Pomoćni radnik, nekvalificirani radnik (NK radnik)	1,85

Član 5.

Općinski načelnik će donijeti Pravilnik o plaćama, naknadama i ostvarivanju određenih prava iz radnog odnosa državnih službenika i namještenika, te u skladu sa istim, zakonom i drugim propisima, Pravilnikom o unutrašnjoj organizaciji i ovom Odlukom, utvrditi pojedinačne koeficijente za plaće nosioca izvršnih funkcija, savjetnika, državnih službenika i namještenika za svako radno mjesto, te definisati i druga prava po osnovu dodataka na plaće i naknade iz radnog odnosa.

Član 6.

Stupanjem na snagu ove Odluke prestaje da važi Odluka o utvrđivanju platnih razreda i koeficijenata za plaće rukovodećih i ostalih službenika i namještenika organa državne službe Općine Tešanj ("Službeni glasnik općine Tešanj" broj 1/08), Odluka o utvrđivanju koeficijenta za plaću Općinskog načelnika Općine Tešanj ("Službeni glasnik općine Tešanj" broj 1/08), Odluka o utvrđivanju koeficijenta za plaću Općinskog pravobranioca Općine Tešanj ("Službeni glasnik općine Tešanj" broj 1/08) i Odluka o utvrđivanju koeficijenta za plaću zamjenika Općinskog pravobranioca Općine Tešanj i Općine Doboju Jug ("Službeni glasnik općine Tešanj" broj 8/11).

Član 7.

Ova Odluka stupa na snagu danom objavljivanja u "Službenom glasniku općine Tešanj", a primjenjivat će se stupanjem na snagu Pravilnika o plaćama.

PREDSJEDAVAJUĆI
Općinskog vijeća Tešanj
Senad N. Subašić, s. r.

Pravni osnov:

- član 60. Zakona o plaćama i naknadama u organima vlasti Federacije Bosne i Hercegovine („Službene novine F BiH“ broj: 45/10 i 111/12)
- član 14. stav 1. tačka 29. Statuta Općine Tešanj (“Službeni glasnik Općine Tešanj” broj 11/07).

Razlozi donošenja:

Zakon o plaćama i naknadama u organima vlasti F BiH objavljen je u Službenim novinama Federacije BiH dana 29.07.2010. godine, a stupio je na snagu narednog dana.

Odredbama člana 63. Zakona o plaćama i naknadama u organima vlasti F BiH određeno je da su kantoni, gradovi i općine u Federaciji dužni usaglasiti svoje propise iz oblasti plaća i naknada sa ovim Zakonom u roku od 90 dana od dana primjene ovog Zakona.

Odmah po objavljivanju predmetnog Zakona uočene su kontradiktornosti pojedinih članova te je na insistiranje Samostalnog sindikata državnih službenika i namještenika u organima državne službe, sudskoj vlasti i javnim ustanovama, pokrenuta procedura izmjene i dopune federalnog Zakona.

Naime, sporne su bile odredbe federalnog Zakona koje su dale ovlaštenja općinama da utvrde koeficijente za plaću i osnovicu za plaću na način da osnovna plaća za ista ili slična radna mjesta u općini ne može preći 80% od plaće za takva radna mjesta na federalnom nivou odnosno 90% plaće na kantonalnom nivou, a u skladu s načelima fiskalne odgovornosti iz člana 3. tačka 3.) federalnog zakona, odnosno prema finansijskim mogućnostima općine.

Izmjena i dopuna federalnog Zakona ušla je u parlamentarnu proceduru, ali je zbog sporog procesa usvajanja došlo do zastoja u primjeni odredbi člana 63. Zakona.

Prema objavljenim izmjenama federalnog Zakona (26.12.2012.) precizirane su odredbe u dijelu koji definiše način utvrđivanja osnovice za obračun plaće i način utvrđivanja koeficijenata i platnih razreda za plaće kako u kantonima tako i u gradovima i općinama, čime su uklonjena sporna ograničenja.

Kroz ovu jedinstvenu odluku definišu se koeficijenti u cijelosti. Ovlašteni donosilac odluka o koeficijentima je isključivo Općinsko vijeće, a ono kroz budžet Općine definiše i visinu sredstava.

Prilikom određivanja visine koeficijenata za plaće primjenjeno je načelo isti koeficijent za plaću za ista radna mjesta, uz uvažavanje principa zaržavanja postojećih omjera gdje je to bilo moguće.

Po usvajanju ove odluke Općinski načelnik će donijeti Pravilnik o plaćama i naknadama kojim će se bliže odrediti način obračuna plaća, primanja zaposlenih po osnovu naknda i druga pitanja, te donijeti pojedinačana rješenja za sve uposelene u Organu uprave.

Obezbijedeno je mišljenje Sindikalne organizacije Općine Tešanj koja je dala saglasnost na predloženi materijal.

OBRAĐIVAČ

Služba za finansije, privredu,
komunalne i inspeksijske poslove

HOJKURIĆ Hamzaliya, dipl.ecc

PREDLAGAČ

OPĆINSKI NAČELNIK

Mr. Sc. Huskić Suad, profesor

Broj: 02-14-7-126-4/13

Datum: 13.07.2015. godine

Predloženi zaključak Sindikalnog odbora:

Općinski sindikalni odbor je saglasan sa predloženom Odlukom o utvrđivanju platnih razreda i koeficijenata Općine Tešanj i Općinskog pravobranilaštva koju je predložio Općinski načelnik, uz sugestiju da Općinski načelnik pokuša uskladiti koeficijente sa važećim zakonom.

Roša Sinan je izdvojio mišljenje u dijelu sugestije.